



1729

Tentamen explicationis phaenomenorum aeris

Leonhard Euler

Follow this and additional works at: <https://scholarlycommons.pacific.edu/euler-works>

Record Created:

2018-09-25

Recommended Citation

Euler, Leonhard, "Tentamen explicationis phaenomenorum aeris" (1729). *Euler Archive - All Works*. 7.
<https://scholarlycommons.pacific.edu/euler-works/7>

This Article is brought to you for free and open access by the Euler Archive at Scholarly Commons. It has been accepted for inclusion in Euler Archive - All Works by an authorized administrator of Scholarly Commons. For more information, please contact mgibney@pacific.edu.

ne vnico albo similis figurae, in medio secundum longitudinem sulcato. Haec capsula praeter ea instructa est duobus foliolis hispidis ceu scutis, quae omnia melius describuntur quam delineantur ob exiguitatem, hinc nullam figuram adiecimus. Flos etiam tubulosus magis infundibuliformibus quam campaniformibus accenseri meretur. Abiecto igitur Capanulae nomine *Serpillifoliae* vocare visum est.

TENTAMEN EXPLICATIONIS PHAENOMENORVM AERIS.

Auctore

Leonh. Eulero.

I.

QVanquam ad intima rerum penetralia et cognitionem vltimae partium structurae aditus non ita patet, vt phaenomenorum, quae inde oriuntur ratio reddi queat: Tamen, vt plerumque a Physicis factum est, a corporum naturalium proprietatibus, quas obseruauimus, quodammodo ad ipsam eorum structuram concludere licet. Ex qua percepta corporum structura, quo plura phaenomena explicari possunt, eo perfectior ea est; Et, si ex qua Theoria omnes prorsus proprietates, quas quidem co-

*M. Sept.
1727.*

gnosceret impossibile est, deriuari possent, dubium non est, quin ea vera sit, et re ipsa existat.

II. Aeris quam plurima nota sunt phaenomena, eaque parum a se inuicem dependentia; ut is profecto multum praestitisse censendus sit; qui eadem theoria omnibus satisfacere posset. Sed theoriam ita maxime conficere conuenit, ut primum excogitetur partium structura, ex qua una tantum proprietas fluat; id quod plerumque pluribus modis fieri potest: et deinceps inquiratur, num ea caeteris quoque proprietatibus explicandis sufficiat? et, si plures primum theoriae conceptae sunt, tum quaeratur, quae maximae parti vel quae omnibus satisfaciat.

III. Inter alias aeris, quas cognoscimus, proprietates ea inprimis idonea visa est, secundum quam structura aeris adornetur, qua aer sese continuo expandere conatur, et re ipsa se expandit, si quae impedimento fuerant, remoueantur. Haec enim aeris elasticitas praeter caeteris proprietatibus maxime explicatu difficilis videtur, ut eius ratione cognita reliqua facile fluere videantur.

IV. Nisi velimus hoc aeris phaenomenon occultae cuidam particularum proprietati et vi insitae adscribere, alia via non superest, nisi ut conatus iste a motu materiae cuiusdam subtilis deriuetur. Conatus autem seu vis mortua, ut a Leibnitio vocatur, a materia mota ortum trahere potest, si ea in gyrum moueatur; quo fit ut quacumque particula a centro aufugere conetur, atque ita huiusmodi vortex vim sese expandendi acquirat. Hoc usus principio Cel. Ioh. Bernoulli omnem vim elasticam

ex-

explicare instituit in schediasmate *de communicatione motus* Lutetiae nuper impresso. Quo vim elasticam a vi centrifuga materiae subtilis oriri asserit.

V. Sequor itaque hac in re, istam, vti mihi videtur; maxime probabilem elasticitatis aeris causam, atque in hac dissertatione examini subiiciam, quantum aeris structura ex hoc fundamento formata reliquis aeris proprietatibus explicandis sufficiat, quantumue minus, vt appareat, vtrum aer hanc partium structuram habere possit, an vero non? Quo in casu meliorem oporteret excogitare aeris constitutionem.

VI. Suppono igitur aerem constare aceruo infinitarum minimarum bullularum, in quibus materia subtilis motu circulari gyratur et vi centrifuga bullulas continuo expandere conatur, easque reipsa semotis obstaculis, expandit. Suppono porro bullulas esse pellicula obductas; quod quidem opus non esset, cum huiusmodi vorticuli sine pelliculis constare possent et tamen mutuo non permiscerentur. Vnus enim alterum impedit, quominus extrauagetur: Attamen propterea bullulas pelliculis obductas suppono, quod aer nunquam tam purus sit, vt prorsus a vaporibus liber sit. Vapores autem particulas aeris ad instar pellicularum obducere valde probabile est.

VII. Constet itaque aer infinito bullularum minimarum numero, quarum crusta exterior sit aquea pro diuerso aeris statu maior minorue; intra hanc crustam gyretur materia subtilis certa cum velocitate, quae subinde ab alia subtiliori adhuc materia omnes poros pene-

trante accelerationes nanciscitur, ne motus tandem consumatur et evanescat. Constat enim aerem calorem semel acceptum sensim amittere, cum autem aer calore rarefiat, sequitur materiam subtilem motu vehementiore agitari; cessante ergo calore, indicio id est, motum materiae esse retardatum.

VIII. Ex hisce de structura aeris praemissis consequitur, eum in infinitum se expandere debere atque extremum raritatis gradum accipere, quando nihil est quod eius conatum compescat. Sed accedente gravitate, aliter se res habebit, eritque, quod vi aeris elasticae se opponet. Quum enim aer superior inferiorem premat pondere suo, inferior ulterius se expandere nequit, quam quoad eius vis elastica, quae expansione continuo diminuitur, aequalis sit vi incumbentis aeris comprimendi.

IX. Patet porro ex concepta aeris constitutione, eum in infinitum comprimi non posse, propter gravitatem specificam, quae in infinitum augeretur. Nam cum in qualibet bullula certa et determinata materiae subtilis quantitas comprehendatur, eaque semper superficiei adhaereat ob vim centrifugam, necesse est ut circa centrum spatium vacuum relinquatur; id quod eo maius esse debet, quo magis aer rarus fuerit: Contra autem continuata aeris compressione, id spatium vacuum continuo diminuetur, donec tandem prorsus evanescat, ultra quem densitatis gradum aerem comprimere impossibile erit.

X. Quod ad velocitatem materiae subtilis attinet, oportet

oportet singulis eius particulis eandem attribuere velocitatem, neque quae a centro remotiores sunt, iis maiorem et prioribus minorem adscribere velocitatem. Praeterea enim, quod hinc theoria nascatur experientiae penitus contraria, ob vim centrifugam in maioribus bullulis maiorem, ex hoc elucere potest, quod bullulam condensando vel expansioni relinquendo velocitas materiae subtilis eadem manere debeat, cum nihil sit, quod eam immutet; Huc enim non pertinet retardatio, de qua §. 6. quae non propter immutationem bullulae, sed propter resistantiam quandam contingit. Quare cum velocitas materiae subtilis non a distantia a centro pendere queat necesse est eam ubique constantem statuere.

XI. Sit CAB bullula aerea, quoad fieri potest *Fig. I.* compressa, quae proin est materia subtili vorticiosa penitus repleta. Circumdata vero sit crusta aquea ADEB, ut ergo reliquum spatium CDE materia subtili impleatur. Sit AC=g, CD=b. Sumatur pro ratione radii ad peripheriam, $1 : \pi$, pro gravitate specifica materiae subtilis, n et pro gravitate specifica aquae seu crustae m . Erit capacitas globuli CAB = $\frac{2\pi g^3}{3}$, et capacitas globuli CDE = $\frac{2\pi b^3}{3}$. Ergo soliditas crustae ADEB = $\frac{2\pi}{3}(g^3 - b^3)$. Quamobrem erit massa materiae subtilis spatium CDE implentis = $\frac{2\pi nb^3}{3}$, et massae crustae = $\frac{2\pi m}{3}(\frac{g^3 - b^3}{2})$. Ethae massarum quantita-

titates in quantum vis expansis bullulis eadem manere debent.

XII. Exprimat k altitudinem, ex qua graue cado velocitatem acquirit, materiae subtilis velocitati aequalem; Vnde sequenti modo vis centrifuga, seu vis, qua superficies globuli CDE premitur, inuenietur. Sumatur a centro indeterminata $CP=x$ cuius differentiale $Pp=dx$. Erit crusta sphaerica crassitiei Pp et radii $CP=2\pi x dx$, quae si ducatur in densitatem materiae subtilis, dat massam $2\pi n x dx$, seu pondus. Quum haec materia gyretur velocitate ex altitudine k acquisita, fiat secundum Hugenum, vt radius x ad duplam altitudinem, $2k$ ita pondus materiae gyrantis, $2\pi n x dx$ ad pondus vi centrifugae huius crustae aequale, quod ergo erit $=4\pi n k x dx$. Huius ergo integrale $2\pi n k x^2$ exprimit vim centrifugam sphaerae radii CP . Consequenter vis centrifuga bullulae DE erit $=2\pi n k b b$.

Fig. II.

XIII. Consideremus nunc bullulam aeream quomodocunque expansam CAB: Cuius extrema crusta ADEB designet materiam aqueam, media DFGE materiam subtilem circa centrum gyrantem, et tertia seu intima CFG, spatium vacuum, vel quod ad minimum materia grauitatis expertis repletum. Dicantur $AC=a$, $CD=b$, et $CF=c$. Erit, computo vt supra instituto, soliditas crustae extremae seu aqueae ADEB $=\frac{2\pi}{3}(a^3-b^3)$. Dein soliditas crustae mediae seu quantitas materiae subtilis DFGE $=\frac{2\pi}{3}(b^3-c^3)$. Tertio autem capacitas totius bullulae erit $=\frac{2\pi}{3}a^3$. Sit grauitas specifica aeris seu totius bullulae, i erit pondus eius $\frac{2\pi i}{3}a^3$, id quod aequale est summae

pon-

ponderum partium, nempe $\frac{2\pi m}{3}(a^3 - b^3) + \frac{2\pi n}{3}(b^3 - c^3)$.
Est igitur $ia^3 = ma^3 - mb^3 + nb^3 - nc^3$.

XIV. Cum et quantitates materiae aquae, et quantitas materiae subtilis aequales esse debeant iis, quae supra erant inuenta in casu bullulae maxime compressae, sequentes obtinebuntur aequationes $\frac{2\pi}{3}(g^3 - b^3) = \frac{2\pi}{3}(a^3 - b^3)$ et $\frac{2\pi}{3}b^3 = \frac{2\pi}{3}(b^3 - c^3)$. Quamobrem $g^3 - b^3 = a^3 - b^3$ et $b^3 = b^3 - c^3$. Vnde $b = \sqrt[3]{a^3 - g^3 + b^3}$ et $c = \sqrt[3]{b^3 - b^3} = \sqrt[3]{a^3 - g^3}$. Si haec substituuntur in superioris §. vltima aequatione, reperietur $ia^3 = mg^3 - mb^3 + nb^3$. Vnde $b^3 = (ia^3 - mg^3) : (n - m)$. Est porro $b = \sqrt[3]{(i - m + n)a^3 - ng^3} : (n - m)$ ac $c = \sqrt[3]{a^3 - g^3}$. Hoc ergo modo ex calculo excluduntur litterae b , c , et h denotantes interiorum bullulae partium a centro distantias.

XIV. Vis centrifuga materiae subtilis in spatio DFGE gyrantis velocitate ex altitudine k producta ex §. 11. inueniri potest hoc modo: Vis centrifuga materiae globum radii x implentis inuenta est $= 2\pi nkxx$. Quare se materia subtilis totum spatium CDE impleat, foret eius vis centrifuga $= 2\pi nkbb$, a qua si auferatur, vis centrifuga materiae spatii CFG $= 2\pi nkcc$, restabit vis centrifuga materiae subtilis in spatio FDEG gyrantis, cuius quantitas proin erit $= 2\pi nk(bb - cc)$ et subrogatis loco b et c valoribus §. 13. inuentis, erit ea $= 2\pi nk$

$\left[\left(\frac{(i - m + n)a^3 - ng^3}{n - m} \right)^{\frac{2}{3}} - (a^3 - g^3)^{\frac{2}{3}} \right]$. Ponatur $b^3 = pg^3$ erit, ob $ia^3 = mg^3 - mb^3 + nb^3$, $ia^3 = (m - mp + np)g^3$
Tom. II. Y y vnde

vnde $g^3 = ia^3 : (m - mp + np)$. Erit ergo pondus vi centrifugae aequiuale $= 2\pi nkaa \left[\left(\frac{m-i+pi-mp+pn}{m-pm+pn} \right)^{\frac{2}{3}} - \left(\frac{m-pm+pn-i}{m-pm+pn} \right)^{\frac{2}{3}} \right] = \frac{2\pi nkaa}{\sqrt[3]{(m-pm+pn)^2}} \left(\sqrt[3]{(mi+pi-pm+pn)^2} - \sqrt[3]{(m-pm+pn-i)^2} \right)$.

XVI. Cum vi centrifuga efficiatur, vt bullulae aereae sese continuo extendere conentur, erit ea aequalis vi elasticae aeris; ex inuenta igitur aequatione, quanta sit aeris elasticitas, inueniri poterit. Verum cum hoc loco primum legem duntaxat, qua aeris vis elastica pro diuersis densitatis, humoris et celeritatis gradibus immutetur, persequi conueniat, factor $2\pi n$ vtpote constans negligi poterit, eritque vis aeris elastica vt $\frac{kaa}{\sqrt[3]{(m-pm+pn)^2}} \left(\sqrt[3]{(m-i+pi-pm+pn)^2} - \sqrt[3]{(m-pm+pn-i)^2} \right)$. Cum autem sit $ia^3 = (m-pm+pn)g^3$, loco a in computum duco g , vt ea tanquam constans abiici possit; Erit ergo $aa = gg \sqrt[3]{\left(\frac{m-pm+pn}{i} \right)^2}$, quo substituto erit vis elastica aeris vt $k \left(\sqrt[3]{\left(\frac{m-i+pi-pm+pn}{i} \right)^2} - \sqrt[3]{\left(\frac{m-pm+pn-i}{i} \right)^2} \right)$. Coeteris igitur paribus est aeris vis elastica vt altitudo k , velocitatem materiae subtilis in bullulis gyrantis graui descendenti imprimens.

XVII. Verum cum vires aeris elasticae inter se comparantur, id fit aeris vim expansiuam in eandem basin agentem explorando. Quamobrem, vt mensuram aeris vis elasticae, vt consuetum est, exhibeam, necesse est, vt

ut pressionem aeris in datam basin inuestigem. Nam,
 quae hucusque de ista mensura tradidi, huc non quadrant,
 quia vis tota globuli aeris elastica est supputata, quae
 propterea in tanto maiorem basin agit, quanto magis
 bullula est extensa. Sunt autem hae bases ut quadrata
 radiorum³ bullularum; Et iis etiam vires elasticae pro-
 portionantur. Quocirca assumatur constans quidam
 sphaerae radius e , fiatque ut a^2 ad e^2 ita vis aeris elastica
 inuenta paragr. praeced. ad vim in datam basin agentem.
 Multiplicetur ergo oportet formula praecedens per e^2 :

a^2 at vero est $a^2 = gg\sqrt[3]{\left(\frac{m-pm+pn}{i}\right)^2}$. Quamobrem ab-
 soluta diuisione, abiectisque e^2 et g^2 tanquam constanti-
 bus obtinebitur vis aeris elastica absoluta, quae erit ut
 $k\left(\sqrt[3]{\left(\frac{m-i+pi-pm+pn}{m-pm+pn}\right)^2} - \sqrt[3]{\left(\frac{m-i-pm+pn}{m-pm+pn}\right)^2}\right)$.

XVIII. Euanescat pars bullulae aquea; erit $g=b$
 et ideo $p=1$. Quamobrem vis aeris elastica hoc casu erit
 $k\left(\sqrt[3]{1 - \sqrt[3]{\left(\frac{n-i}{n}\right)^2}}\right)$ seu multiplicato per constantem
 $\sqrt[3]{n^2}$, erit ea ut $k\left(\sqrt[3]{n^2} - \sqrt[3]{(n-1)^2}\right)$. Ponatur k seu velo-
 citas constans, ut obtineatur lex elasticitatum pro solis
 aeris diuersis condensationibus, erit tum vis elastica, ut
 $\sqrt[3]{n^2} - \sqrt[3]{(n-i)^2}$. Et hinc sequentes duco consequentias.
 Si status aeris quam proxime ad maximam condensatio-
 nem accedat, erit $n-i$ tantum non $=0$, ergo vis elasti-
 ca hoc in casu erit ut $\sqrt[3]{n^2}$ i. e. ea erit constans. Aere
 ergo iam vehementer compresso, vis elastica amplius
 sensibilibiter non immutatur.

XIX. Deinde si i respectu ipsius n valde paruum sit, seu si densitas aeris ad densitatem materiae subtilis admodum exiguam habuerit rationem erit $(n-1)^{\frac{2}{3}} = n^{\frac{2}{3}} - \frac{2}{3}n^{-\frac{1}{3}}i$, consequenter vis aeris elastica erit vt $\frac{2}{3}n^{-\frac{1}{3}}i$ siue neglecto $\frac{2}{3}n^{-\frac{1}{3}}$ vt i . Aere ergo valde rarefacto elasticitates erunt vt densitates aeris. Quare cum circa aerem naturalem obseruemus quantumuis is comprimatur elasticitatem propemodum in eadem ratione crescere, dubium non est, quin aer noster admodum sit dilatatus respectu materiae subtilis, atque rationem specificam aeris ad grauitatem specificam materiae subtilis perquam esse exiguam.

XX. Attamen cum ea prorsus negligi nequeat, Oportet seriei, inquam $(n-i)^{\frac{2}{3}}$ conuertitur, non tantum duos primos, sed tres accipere terminos, qui variationes obseruatas satis exacte monstrabunt. Hoc ergo pacto erit $(n-1)^{\frac{2}{3}} = n^{\frac{2}{3}} - \frac{2}{3}n^{-\frac{1}{3}}i - \frac{1}{9}n^{-\frac{4}{3}}i^2$. Atque hinc vis elastica erit vt $\frac{2}{3}n^{-\frac{1}{3}}i + \frac{1}{9}n^{-\frac{4}{3}}i^2$ seu multiplicando per $9n^{\frac{4}{3}}$, vt $6ni + i^2$. Dicatur vis elastica v fiatque $fv = 6ni + i^2$. Ex hac igitur aequatione ope experimentorum, qua circa aeris incrementum vis elasticae eo continuo magis condensato, instituta sunt a Boyleo, inuenietur ratio $n:i$. Ex quo intelligetur extremus et maximus densitatis gradus, ad quem aerem comprimere possibile est.

XXI. Consultum ergo esse duxi experimenta Boyleana huc transcribere, vt ex iis de densitate seu grauita-

nitute specifica materiae subtilis concludere liceat, et quamnam ad aerem rationem habeat. Aer primo in tubo spatium 12. digit. Angl. replebat postea vero cum columna mercuriali comprimebatur altitudines aeris et mercurii superaffusi in sequenti tabula exhibentur, cuius prior columna A indicat spatium aeris in tubo, et altera B altitudinem mercurii comprimentis aerem: hae vero in digitis Anglic. exprimuntur.

A	B	A	B	A	B
12	0	8	15 $\frac{1}{16}$	5	41 $\frac{9}{16}$
11 $\frac{1}{2}$	1 $\frac{7}{16}$	7 $\frac{1}{2}$	17 $\frac{1}{16}$	4 $\frac{3}{4}$	45 $\frac{1}{16}$
11	2 $\frac{1}{16}$	7	21 $\frac{3}{16}$	4 $\frac{1}{2}$	48 $\frac{1}{16}$
10 $\frac{1}{2}$	4 $\frac{6}{16}$	6 $\frac{1}{2}$	25 $\frac{3}{16}$	4 $\frac{1}{4}$	53 $\frac{1}{16}$
10	6 $\frac{3}{16}$	6	29 $\frac{1}{16}$	4	58 $\frac{1}{16}$
9 $\frac{1}{2}$	7 $\frac{1}{16}$	5 $\frac{3}{4}$	32 $\frac{3}{16}$	3 $\frac{3}{4}$	63 $\frac{1}{16}$
9	10 $\frac{2}{16}$	5 $\frac{1}{2}$	34 $\frac{1}{16}$	3 $\frac{1}{2}$	71 $\frac{5}{16}$
8 $\frac{1}{2}$	12 $\frac{8}{16}$	5 $\frac{1}{4}$	37 $\frac{1}{16}$	3 $\frac{1}{4}$	78 $\frac{1}{16}$
				3	88 $\frac{7}{16}$

XXII. Exhibet igitur haec tubula columnam mercurialem, quae pondere suo aerem in datum spatium redigit. Hoc vero pondus non solum aerem comprimit, sed ei insuper adiici debet pondus atmosphaerae, quod simul cum mercurio in aerem agit. Cum ergo summa ponderis mercurii et atmosphaerae ea sit, vis qua aer comprimitur, erit ea aequalis vi aeris elasticae. Unde, si numeris tabulae B addatur altitudo mercurii ponderi atmosphaerae aequalis, quam Boyleus se 29 $\frac{1}{8}$ dig.

Y y 3

obser-

obseruasse scribit ; habebitur relatio inter densitates aeris et elasticitates. Sed cum ad istud accurate praestandum, exactissime altitudinem mercurii atmosphaeram aequilibrantis obseruasse necesse sit ; idque multis difficultatibus perturbetur : Mallem relicta hac altitudine $29\frac{1}{8}$ dig. ex experimentis ipsis, quum numerus eorum abunde sufficiat, deducere pondus atmosphaerae : Sed quia ad hoc accuratissima requiruntur experimenta, (in quibus praesentia haberi nequeunt) altitudinem $29\frac{1}{8}$ dig. retinere cogor.

XXIII. Sed densitates aeris sunt reciproce vt volumina eiusdem massae aereae ; volumina vero columna A exhibeantur : Ergo densitates erunt reciproce vt numeri columnae A. Si igitur densitas aeris in statu naturali ponatur, 1 ; reliquae densitates habebuntur si numerus 12 per reliquos respondentes numeros columnae A diuidatur. Deinde elasticitates, vt vidimus, sunt vt numeri secundae columnae B aucti numero $29\frac{1}{8}$. Cum vero sit $fv = 6ni + ii$, atque ex obseruationibus allatis habeantur in quolibet casu et v et i , duae hae literae f et n determinari debent ; Id quod duobus quibusuis experimentis praestabitur. Sumatur ad literam f determinandam experimentum primum ; Et erit $i = 1$, et $v = 29\frac{1}{8}$, vnde $29\frac{1}{8}f = 6n + 1$. Ergo $f = \frac{48n+8}{233}$. Quo valore in aequatione substituto habebitur $48nv + 8v = 1398ni + 233ii$, consequenter $n = \frac{8v-233ii}{1398i-48v} = \frac{233ii-8v}{1398i-48v}$.

XXIV. Vt hinc inueniatur n , oportet experimentorum allatorum aliquod adiungere. Sumatur igitur

tur vltimum, erit $i=12:3=4$, et $v=88\frac{7}{6}+29\frac{1}{8}=117\frac{9}{8}$. Vnde $n=\frac{240\frac{1}{2}}{55\frac{9}{2}}=\frac{3728}{5643}=\frac{2787.5}{51}$ hinc erit $n=54, 64$. Vt pateat, quantum experimenta inter se conueniant vel disconueniant, accipiatur id quod aer in triplo minus spatium est redactum; Erit ergo $i=3$, et $v=58\frac{1}{6}+29\frac{2}{3}=87\frac{7}{8}$. Vnde habetur $n=\frac{2097}{4218}=\frac{703}{1404}=\frac{1394}{2808}=58\frac{1}{2}$. At experimentum quo aer duplo tantum densior exhibetur paulo plus quam 17 pro valore ipsius n exhibet. Ex qua ingenti discrepantia intelligi potest, quam parum accurata haec sint experimenta: Id quod praeterea ex saltibus, qui in iis deprehenduntur, satis colligi potest.

XXV. Id autem ex reliquis experimentis calculum instituas obseruauit, inde quo minus aer erat compressus, eo minorem ipsius n valorem inuentum. Ex quo intelligi potest, reliquis in numeris saltibus neglectis, vel altitudinem mercurii atmosphaerae aequiponderantis non satis accurate esse assumptam, vel tubum nimis fuisse angustum, vt ne facillime quidem mercurius in eo descendere potuerit. Prius quidem vix credi potest: Sed posterius eo magis verisimile est, quod tanta infirmitas experimentis: Vnde concludi debet, mercurium non successiue, sed quasi per saltus descendisse. Eandem difformitatem in Boylei experimentis circa rarefactionem aeris aduertens, inde quicquam concludere nolui: sed plenius de densitate materiae subtilis iudicium tamdiu differam, donec vel accuratiora experimenta in manus veniant, vel ipsi instituire vacauerit.

XXVI.

Fig. III.

XXVI. Vt autem clarius ob oculos ponatur, qua lege elasticitates aeris pro diuersis densitatibus crescant, tota res figura geometrica repraesentari potest. Neglectis pelliculis aqueis inuenta est aeris vis elastica proportionalis $\sqrt[3]{n^2} - \sqrt[3]{(n-i)^2}$: Vnde patet, id per parabolam cubicalem secundam praestari posse. Sit AMC parabola cubicalis secunda super axe AB, in qua applicatae PM ferit in ratione subsesquuplicata abscissarum AP. Capiatur AB = n et erecta applicata BC, ducatur axi parallela CD. Dico si in ea capiatur CQ = i , applicatam correspondentem QM repraesentare vim aeris elasticam. Nam est QM = BC - PM. Sed BC est vt $\sqrt[3]{AB^2}$ seu $\sqrt[3]{n^2}$, et PM vt $\sqrt[3]{AP^2}$, seu, ob AP = AB - BP, (CQ) = $n - i$, erit PM vt $\sqrt[3]{(n-i)^2}$. Vt ergo sit QM vt $\sqrt[3]{n^2} - \sqrt[3]{(n-i)^2}$ cui quantitati etiam, vt patet, proportionalis est vis aeris elastica.

XXVII. Si ea accipiatur regula, qua vires aeris elasticae in ratione densitatum ponuntur; Ex hac figura patebit quantum ea a vero, si modo hanc theoriam veram appellare licet, aberret. Ducatur per puncta C et M recta CMR perpendicularem AD ex A in AB ductam secans in R; exprimet haec recta distantiis suis a CD vires elasticas secundum istam regulam aeri iuxta abscissas in linea CD condensato respondentes. Si igitur QM naturalem aeris vim elasticam denotet, regula ista in condensationibus iusto minorem exhibebit vim elasticam, at in rarefactionibus iusto maiorem, donec vtraque regula aeri infinite rarefacto elasticitatem nullam attribuat.

XXVIII

XXVIII. Si certo constaret ratio quam n ad i habet, quantum haec regula in quouis casu a vero aberret, assignari posset: Nec non aeris vis elastica maxima AD, seu ratio AD:QM. Ob hunc defectum pono saltem $n:i=q:1$. eritque $n=qi$, adeoque vis elastica QM erit vt $\sqrt[3]{q^2i^2 - \sqrt[3]{(qi-i)^2}}$, diuidatur per $\sqrt[3]{i^2}$ vtpote constantem, erit vis elastica aeris naturalis vt $\sqrt[3]{q^2 - \sqrt[3]{(q-1)^2}}$. Assumatur quouis alius condensationis gradus, quo densitas sit ad naturalem vt s ad 1. Erit ea densitas si , adeoque vis elastica respondens erit $\sqrt[3]{qi^2 - \sqrt[3]{(qi-si)^2}}$, erit ea igitur vt $\sqrt[3]{q^2 - \sqrt[3]{(q-s)^2}}$. Vnde sequitur, elasticitatem aeris naturalis esse ad elasticitatem aeris s vicibus densioris vt 1 ad $\frac{\sqrt[3]{q^2 - \sqrt[3]{(q-s)^2}}}{\sqrt[3]{q^2 - \sqrt[3]{(q-1)^2}}}$ sed secundum regulam vulgarem oporteret esse vt 1 ad s , si $s=q$ tunc erit DR=Q. QM, et AD= $\frac{\sqrt[3]{q^2}}{\sqrt[3]{q^2 - \sqrt[3]{(q-1)^2}}}$. QM. Quia vero q valde est magnum respectu 1, erit $\sqrt[3]{q^2 - \sqrt[3]{(q-1)^2}} = \frac{2}{3\sqrt[3]{q}}$; erit itaque AD= $\frac{3}{2}q$. QM. Regula ergo ea plus dimidio nunquam a vero aberrare potest.

XXIX. Cognita pro quouis condensationis gradu aeris elasticitate, poterit inde inueniri quanta esse debeat aeris densitas in data quacunque altitudine. Cum enim aer naturalis comprimatur a pondere aeris superincumbentis, necesse est, vt, quo altius ascendatur, aer ob imminutum ibi atmosphaerae pondus rarior fiat. Nam

Fig. IV.

vbique eousque aer dilatatur , quoad pressio aequalis fit eius elasticitati. Sit igitur curua BMV scala densitatum aeris, cuius nimirum applicatae PM exprimant aeris densitates in altitudinibus P. Sit A is locus, quo densitas aeris est maxima , adeoque vbi $AB=n$. Accipiaturs locus quicunque P, cuius altitudo AP super A dicatur x ; densitas vero ibi seu $PM=y$, erit ibi aeris vis elastica vt $\sqrt[3]{n^2 - \sqrt[3]{(n-y)^2}}$, cui proportionalis esse debet pressio ab aere superiore PT orta. Pressiones autem sunt vt densitates et altitudines coniunctim : Quamobrem erit pressio aeris superioris vt area MPTV i. e. vt $\int y dx$. Est itaque $\int y dx = \sqrt[3]{n^2 - \sqrt[3]{(n-y)^2}}$, adeoque $y dx = \frac{2 dy}{3 \sqrt[3]{(n-y)}}$; vnde $dx = \frac{2 dy}{3 y \sqrt[3]{(n-y)}}$ seu positio $a = \frac{2}{3}$, erit $dx = \frac{dy}{y \sqrt[3]{(n-y)}}$ quae hoc modo integrari debet , vt posito $x=0$, y fiat $=n$.

XXX. Si fiat $n=y$ erit tum dx infinities maius quam dy , ergo tangens in B parallela erit axi verticali AT. Propterea haec curua alicubi punctum flexus contrarii habere videtur ; id quod hoc modo inuenietur. Quia est $dx = \frac{dy}{y \sqrt[3]{(n-y)}}$; erit $dy = y dx \sqrt[3]{(n-y)}$. Assumto dx pro constante , erit $ddy = dy dx \sqrt[3]{(n-y)} - \frac{1}{3} y dx dy (n-y)^{-\frac{2}{3}} = 0$. Vnde $3n - 3y = y$. Consequenter $y = \frac{3}{4}n$. Quam ob rem punctum flexus contrarii eo erit loco, quo densitas aeris est ad maximam vt 3 ad 4. Applicetur

cetur igitur $CD = \frac{3}{4} AB$, erit in puncto D punctum flexus contrarii. Est deinde subtangens huius curvae $\frac{ydx}{dy}$ $\frac{1}{\sqrt[3]{n-y}}$. Vnde colligitur si y fuerit respectu ipsius n val-

de paruum, tum esse subtangentem constantem; Vt adeo hoc in casu haec curua cum logarithmica confundatur.

XXXI. Potest quidem aequatio pro ista curua $dx = \frac{dy}{y\sqrt[3]{n-y}}$ ad quadraturam circuli et logarithmos re-

duci: sed inde multo difficilior enascitur eius curuae constructio, quam si per quadraturas construatur. Designet igitur AMC parabolam cubicalem secundam, vt in Fig. V. fig. 3. sitque $CD = n$. Assumatur aeris densitas quaeuis in CD, puta CQ, ponaturque $CQ = y$. Cuius appli-

catâ respondens QM erit $\sqrt[3]{n^2 - \sqrt[3]{(n-y)^2}}$, cui proportionalis accipi $-ydx$ debet. Dicatur QM, z , breuitatis ergo: eritque $-ydx = dz$ et $dx = \frac{-dz}{y}$, atque $x = \int \frac{-dz}{y}$. Ducatur

PM, quae erit y , et in ea producta, si opus est, capiatur $PN = \frac{1}{y}$, erit area PBEN $= \int \frac{-dz}{y}$. Quapropter in MQ prolongata accipiatur QL, quae fit vt area PBEN. Erit punctum L in curua quaesita. Est enim in ea, ducta LH, $CH = LQ = \int \frac{-dz}{y} = x$, et $HL = CQ = y$. Hoc igitur modo curua DLV determinabitur.

XXXII. Quae hucusque aeris proprietates ex theoria exposita deriuatae sunt, eae nihil absoluti in se continent, sed tantum rationem dant, secundum quam elasticitas aeris pro diuersis densitatibus, humiditatibus et materiae subtilis celeritatibus existimari debeat. Ver-

Fig. VI.

rum nunc absoluti quid tradam altitudinem columnae mercurialis determinaturus, quam datus aereus globulus sustinere valet. Sit itaque AB diameter horizontalis bullulae aereae, de qua intelligi debent, quae §. 14. inuenta sunt. Incumbat ei columna mercurialis ABED altitudinis $AD=f$, quae tanta sit, vt in aequilibrio consistat cum vi, quam bullula habet, sese expandendi. Haec autem columna in singulis bullulae punctis perpendiculariter agit in eius superficiem, idque vi, quae est vt altitudo columnae f , et basis seu superficies bullulae, quam premit, atque grauitas specifica coniunctim. Cum autem semidiameter AC sit $=a$; erit circulus maximus bullulae $\frac{\pi aa}{2}$, adeoque semisuperficies eius $=\pi aa$, quae est basis, quae a columna mercuriali premitur. Exprimatur porro grauitas specifica mercurii, respectu habito ad reliquas grauitates specificas, litera r , erit pressio, quam columna mercurialis in bullulam exercet $=\pi aarf$.

XXXIII. Haec autem pressio destrui debet pressione a vi centrifuga materiae subtilis orta, quae etiam in singula superficiei puncta aequaliter agit. Quamobrem vis, qua vis centrifuga in haemisphaerium agit, idque extendere annitur, aequalis esse debet vi comprimenti columnae mercurialis. Vis autem ea est dimidium vis elasticae totius bullulae, cuius aequale pondus §. 14. inuentum est, $\frac{2\pi kaa}{\sqrt{(m-pm+pn)^2}}^3 [V(m-i+pi-pm+pn)^2 - V(m-i-pm+pn)^2]$; huius ergo dimidio aequari debet pondus columnae mercurialis $\pi aarf$. Vnde sequens e-

nasci-

$$\text{nafcitur aequatio : } r f \sqrt[3]{(m - p m + p n)^2} = n k$$

$$\left[\sqrt[3]{(m - i + p i - p m + p n)^2} - \sqrt[3]{(m - i - p m + p n)^2} \right] \text{ feu } f = \frac{n k}{r}$$

$$\left(\sqrt[3]{\frac{m - i + p i - p m + p n}{m - p m + p n}}^2 - \sqrt[3]{\frac{m - i - p m + p n}{m - p m + p n}}^2 \right).$$

XXXIV. Vt haec aequatio tractatu facilior euadat saltem pro naturali aeris statu, pono i admodum par-

$$\text{uum respectu } n; \text{ et propterea erit } \sqrt[3]{(m - i + p i - p m + p n)^2}$$

$$= \sqrt[3]{(m - p m + p n)^2} + \frac{2(p i - i)}{3 \sqrt[3]{(m - p m + p n)^2}}.$$

Atque eodem modo

$$\sqrt[3]{(m - i - p m + p n)^2} = \sqrt[3]{(m - p m + p n)^2} - \frac{2i}{3 \sqrt[3]{(m - p m + p n)^2}}.$$

Quibus valoribus substitutis, orietur haec aequatio

$$r f (m - p m + p n) = \frac{2 p n i k}{3 r}, \text{ vnde } f = \frac{2 p n i k}{3 r (m - p m + p n)}.$$

Sed si ponatur humiditas in aere euanescens, erit $p = 1$. Tum igitur erit $f = \frac{2 i k}{3}$. Si autem aer vaporibus fuerit infectus p eo minor erit vnitatem, quo plus vaporum in aere hospitatur; ponatur itaque hoc in casu $p = 1 - q$, erit $f =$

$$\frac{2 n i k (1 - q)}{3 r (q m + n (1 - q))} - \frac{2 i k}{3 r} - \frac{2 q m i k}{3 r (q m + n (1 - q))} - \frac{2 i k}{3 r} \left(1 - \frac{q m}{q m + n (1 - q)} \right).$$

XXXV. Cum autem f indicet altitudinem columnae mercurialis in aequilibrio consistens, exprimet eadem litera f altitudinem mercurii in barometro. Ex inuenta igitur aequatione, datis velocitate materiae subtilis in bullulis gyrantis, aeris et materiae subtilis grauitatibus specificis, atque quantitate aquae in aere versantis, inueniri poterit altitudo mercurii in barometro. Nam r grauitas specifica mercurii, vt et m grauitas specifica aquae aliunde iam constant. Percurram itaque casus,

quibus mercurius ascendere, et quibus descendere debet; ut inde pateat, quid in aere acciderit et ascendente et descendente mercurio in barometro. Ad hoc cum tantum ratione opus sit, negligo factorem $\frac{2}{3}r$, tanquam constantem, eritque f vt $ik(1 - \frac{qm}{qm+n(1-q)})$.

XXXVI. Hinc igitur consequitur manente facto, ik mercurium in barometro ascendere decresciente fractione $\frac{qm}{qm+n(1-q)}$. Haec vero fractio crescente q etiam crescit, decresciente vero q decrescit: Nam crescente q elemento dq , fractio crescet elemento $\frac{mndq}{(qm+n(1-q))^2}$. Quamobrem manente facto ik mercurius in barometro ascendere decresciente aeris humiditate; ea vero aucta mercurius descendere debebit. Atque hanc puto esse rationem, cur ascensus mercurii in barometro plerumque coelum serenum, descensus vero pluuiam aduersumque tempestatem praenunciet: Illo enim casu aer maximam partem a vaporibus vacuus est, hoc vero iis magis infectus.

XXXVII. Possunt quidem aliae concurrere rationes, ob quas mercurius ascendere vel descendere queat immutata vaporum quantitate: Quando scilicet factum ik crescit vel decrescit. Sed fortasse hoc factum sensibilter neque crescere neque decrescere potest, propter alterutram literam eadem fere ratione auctam, qua altera diminuitur. Nam velocitas materiae subtilis, cuius quadratum est vt k , augmenta accipit aucto calore, sed idem calor aerem rarefacit, et quantitatem i minorem efficit, vt ergo factum ik quasi semper constans permaneat. Ex quo

quo intelligitur tute semper ascensum vel descensum mercurii diminutae vel auctae vaporum in aere versantium quantitati attribui posse, quanquam negari non possit et factum *ik* quodammodo effectum humiditatis et augere et diminuere posse.

XXXVIII. Neque vero hinc inferre licet, barometrum idem ac hygrometrum praestare oportere; cum et hoc humiditatem aeris monstret. Sed id considerandum est, barometri effectus a tota aeris massa seu totius atmosphaerae statu pendere; hygrometri autem a solo aere id ambiente. Quamobrem altitudo mercurii in barometro incrementa accipit, si vniuersus aer a vaporibus liberatur, decrementa vero si is vaporibus impraegnatur. Vnde colligitur hygrometrum fere summam siccitatem ostendere posse, cum altitudo mercurii minima sit; et similiter hygrometrum humiditatem indicare posse, cum mercurii summam altitudinem attigerit. Plus enim immensa aeris altitudo in barometrum valet, quam infima haec regio, quae sola in hygrometrum agit.

XXXIX. Si humiditas aeris euanescat, habetur iuxta §. 33. haec aequatio $f = \frac{2ik}{3r}$, quam n non ingreditur. Ex ea igitur cum experimentis ratio $r:i$, vt et altitudo f constet, inueni potest altitudo k , ex qua graue cadendo velocitatem acquirit ei, qua materia subtilis in bululis aeris gyratur, aequalem; Est enim $k = \frac{3rf}{2}$. Circa quam expressionem obseruo eam excepto coefficiente numero $\frac{3}{2}$ eandem esse cum altitudine generante velocitatem, qua sonus per aerem promouetur, vt ergo velocitas materiae subtilis constantem habeat rationem ad velo-

velocitatem soni. Hic autem animum abducaere oportet humiditate aeris, qua accedente k alio modo exprimitur.

XL. Obseruatur altitudo mercurii in barometro a 22. vsque ad 24. et ultra dig. Pedis Rhenani. Cum autem aerem a vaporibus vacuum supponam, attribuo literae f maximam, quam habere potest altitudinem, nempe 2460 scrup. Ped. Rhenani. Dein rationem r ad i pono vt 10000 ad 1. Quemadmodum ex experimentis de grauitate aeris concluditur. Quibus positis erit $k = \frac{30000 \cdot 2460}{2} = 36900$ pedibus. Adeoque materia subtilis velocitate mouetur tanta, quanta a graui ex altitudine 36900 ped. in vacuo descendente acquiritur. Si ergo haec materia sua velocitate in directum pergeret, conficeret vno minuto secundo 1518 $\frac{1}{2}$ ped. Rhenanos.

XLI. Isto hanc dissertationem finio, cum desint accurata experimenta, ex quibus reliqua adhuc desiderata determinentur, et quibus Theoria haec plenius confirmetur. Incerta est adhuc ratio n ad i , seu quam habet grauitas specifica materiae subtilis ad grauitatem specificam aeris. Ad hanc vero inuestigandam accuratis experimentis ad id facientibus instituendis operam studiumque adhibebo. Quantitas autem n si haberetur, facile formulae inuentae ad praxin applicarentur; atque aliis idoneis instrumentis adhibendis quouis tempore, quantum aquae in aere contineatur, assignari posset. Et forsitan multa insuper alia, ad quae, iis quae sufficiunt cognitis, quasi manu duceremur.

PLAN-




fig: 1.




fig: 2.




fig: 3.




fig: 4.




fig: 5.




fig: 6.